

Autoridadnan ta duna Mama di Natalee un oportunidad:

Carta di advertencia a bay den direccion di Beth Twitty

ORANJESTAD (AAN):
 Relaciona cu e bishita cu
 Beth Twitty a haci
 Dialuna na e lugar di tra-
 bao di Deepak Kalpoe,
 tanto Deepak como su
 abogado a entrega un
 keho contra di e mama
 di Natalee. Autoridad-
 nan ta kere cu esaki ta
 castigable ya cu Señora
 Twitty lo a menaza
 Deepak, ademá cu
 aunke e ta bisa cu pa
 casualidad el a drenta
 den e lugar, riba e canal-
 nan mericano NBC por a
 mira con el a drenta den



e internet café cu un camara y un microfono scondi. Durante e
 tratamiento di e caso di apelacion ayera den corte, DIARIO a
 haya sa cu a laga e abogado di Kalpoe dirigi un carta pa e mama
 di Natalee ariba su comportacion y si esaki no yuda, e ora ey,
 autoridadnan lo mester bay actua conforme ley ta prescribi. Na
 otro banda, e abogadonan di Beth Twitty, kier sinta cu fiscal, pa
 wak kico exactamente a worde declara pa Deepak, mirando cu
 segun Beth, na ningun momento el a menaza of intimida e
 mucha homber. Segun e abogadonan, si ta e caso cu Deepak a
 gaña un biaha mas, tambe Beth Holloway lo entrega un keho
 den su contra, pa cu esaki, mirando cu lo trata aki di un asina
 yama "valse aangifte", cu ta castigable pa ley.